

NY LISITRY NY KANDIDA

Ny lisitra ofisialin'ny kandida miaraka amin'ny endrika mampiavaka azy tsirairay dia:

- Voarafitra sy avoaka ao amin'ny gazety ofisialin'ny Repoblika farafahatarany ny alahady 26 aogositra 2018.

- Ampahafantarina ny mpifidy tamin'ny fomba rehetra, anisan'izany ny haino aman-jery.

NY AKO'NY FAMOAHANA NY LISITRY NY KANDIDA

- fanomezan-dalana manokana tsy hiasa ho an'ny kandida miasa amin'ny Fanjakana na Vondrombahoaka tsinjaram-pahefana izay tsy manana andraikitra ambony na manana toerana sivily sy miaramila ambony ao amin'ny fanjakana

- fametraham-pialan'ny kandida amin'ny asany raha manana andraikitra avo sy ny toerana sivily sy miaramila ambony an'ny Fanjakana izy.

FITAKIANA AZO ATAO

Alohan'ny daty farany azo andraisana ny antontan-taratasy fametrahana ny filatsahan-kofidiana

Fanentanana ny voakasik'izany mba hametraka ny antontan-taratasy faran'izay haingana mba ahafahan'izy ireo mameno na manitsy izany raha tsy ampy na misy diso.

Aorian'ny daty farany azo andraisana ny antontan-taratasy fametrahana ny filatsahan-kofidiana

Tsy misy antontan-taratasy na fanitsiana na fame-noana azo ekena na raisina intsony.

Aorian'ny fivoahan'ny lisitry ny kandida

Fanesorana tsy ho anaty lisitra:

- ny kandida manana andraikitra avo sy ny toerana sivily sy miaramila ambony an'ny Fanjakana izay tsy nametra-pialana tamin'ny asany ;

- ny kandida izay nanao fanambarana ampahibemaso manaratsy ny fitantanan-draharaha mahakasika ny fifidianana na ny Fitsarana na mikendry ny hanao tsindry bokotra amin'ireo voatonona ireo.

Ny olona afaka manao ny fitakiana

Ny mpifidy voasoratra anaty lisi-pifidianana.



BP 835 Ambohidahy, Antananarivo 101

FILATSAHANA HO KANDIDA AMIN'NY FIFIDIANANA HO FILOHAN'NY REPOBLIKA 2018

FIODINANA VOALOHANY
ALAROBIA 07 NOVAMBRA 2018

FIODINANA FAHAROA
ALAROBIA 19 DESAMBRA 2018

**Fifidianana malalaka sy mangarahara:
antoky ny filaminana
sy ny fandrosoana**

IREO ANTONTAN-TARATASY ILAINA

(Atao dika anakiroa miampy ny lisitr'ireo taratasy rehetra)

- 1- Fanambaràna ny filatsahana ho kandidà misy sonia izay voamarin'ny manam-pahefana
- 2- Kopia lava iray na dikan'ny karapanondro voamarina fa mitovy amin'ny tena izy
- 3- Taratasy fanamarinana ny zom-pirenena Malagasy izay navoakan'ny tribonaly ambaratonga voalohany latsaky ny enim-bolana
- 4- Taratasy fitanisan-tsazy laharana faha-3 navoakan'ny fampanoavana
- 5- Dika mitovy amin'ny karapifidianana na fanamarinana ny fisoratana anarana amin'ny lisipifidianana
- 6- Ny taratasy fanamarinana nomen'ny manampahefana momba ny hetra izay manamarina fa ny olona voakasik'izany dia nanatanteraka ny adidiny amin'ny hetra sy ny haba isan-karazany tao anatin'ny telo taona farany
- 7- Fanambarana aneken'ny kandidà fa izy dia nandoa ny hetra sy ny haba rehetra nahakasika azy tao anatin'ny ny telo taona lasa
- 8- Fanambaran'ny kandidà itanisany ny fananàny rehetra sy ny momba ny vola fivelomany sy karama raisiny
- 9- Taratasy fanamarinam-ponenana izay manamarina ny fipetrahan'ilay kandidà eto amin'ny tanin'ny Repoblika Madagasikara mandritra ny enim-bolana farafahakeliny mialoha ny andro farany hametrahana ny filatsahan-kofidiana
- 10- Fanamarinana ny fanendrena ny kandidà avy amin'ny antoko politika miorina ara-dalàna na avy amin'ny vondron'antoko politika , na avy amin'ny olom-boafidy miisa 150.

11- Fanambarana aneken'ny kandidà fa hanaja ny fepetra voalazan'ny Lalàmpanorenana izy

12- Ny tapakila nohamafisin'ny fanamarinana nosoniavin'ny lehiben'ny « Caisse des Dépôts et Consignations » manamarina ny fametrahana ny fandraisana anjara amin'ny vidin'ny fanontam-pirintin'ny mitentina dimampolo tapitrisa ariary (Ar 50 000 000,00)

13- Ny modely elektronika misy ny endrika mampivaka ny momba ny kandidà sy ny vatom-pifidianana ary ny famaritana azy ireo izay iandreketan'ny voakasik'izany

14- Dika mitovy amin'ny rosia manamarina ny fametrahana ny fanambaram-pananana

15- Fanambarana fa manaiky ny kandidà hanaja ireo fepetra mifehy ny famatsiam-bola amin'ny fampielezan-kevitra, indrindra ireo mifandray amin'ny fangaraharana, ny ady amin'ny famotsiam-bola sy ny kolikoly.

FE-POTOANA ANATERANA NY TARATASIM-PILATSAHAN-KOFIDIANA

Manomboka ny alarobia 1 aogositra 2018 amin'ny 9 ora maraina ka hatramin'ny talata 21 aogositra 2018 amin'ny 5 ora hariva.

FOMBAFOMBA FAMETRAHANA NY ANTONTAN-TARATASY FILATSAHAN-KOFIDIANA

Ireo olona afaka mametraka ireo antontan-taratasy dia ny mpisolo tena :

- ◆ ny antoko politika na ny vondron'antoko izay manohana ny kandidà
- ◆ ny olom-boafidy izay manohana ny kandidà tsy miankina

Fepetra manokana ho an'ny vondron' antoko politika

Farafahatarany andro iray mialoha ny hametrahana ny antontan-taratasy filatsahan-kofidiana, ny mpisolo tena voalaza etsy ambony dia manao fampahafantarana ny Lehiben'ny Firaketan-draharaha eo anivon'ny Fitsarana Avo momba ny Lalàmpanorenana ny anarana sy ny titran'ny antoko, ny vondron'antoko politika sy ny lisitry ny antoko mpikambana ao anatin'izany vondrona izany;

POROFON'NY FAMETRAHANA NY TARATASY FILATSAHAN-KOFIDIANA

Rosia manamarina ny fandraisana ny antontan-taratasy filatsahan-kofidiana.

POROFO FA NAHAFENO NY FEPETRA NY KANDIDA

Rosia farany manamarina fa nekena ny filatsahan-kofidiana.

Lanjan'ny rosia manaiky ny filatsahan-kofidiana

Fahazoan-dalàna hanao fampielezan-kevitra Fametraham-pialan'ny mpikambana ao amin'ny Governemanta izay nilatsaka ho kandidà

Fandavana ny filatsahan-kofidiana

Rehefa tsy feno ny fepetra voalaza etsy ambony dia mamoaka fanapahan-kevitra fandavana ny Fitsarana Avo Momba ny Lalàmpanorenana.